



UNIVERSITÄTS-
BIBLIOTHEK
PADERBORN

Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

De Indiciis Criminis maleficij.

urn:nbn:de:hbz:466:1-41113

ament corporis & famæ estimationem rei
contra ordinem charitatis, quām eiusanimæ
salutem, quæ præstat omnibus rebus in hoc
mundo habitis.

Circa hanc L. cùm Doctores ex ea colligant, nominationē maleficū facere præsumptionem contra socium facinoris, breuiter tractandum est de indicijs, ex quibus crimen maleficorum deprehendi potest.

DE INDICIIS CRIMI- nis maleficij.

NO T A N D V M in primis, quod diuersus est gradus indiciorum. Quædam enim sunt remota: quædam propinqua: alia propinquissima.

Deinde in materia indiciorum multum valet omnium iudicio arbitrium iudicis: falluntur tamen aliqui in intelligentia huius nominis, aut saltem in iudicio, qui putant, quod arbitrium iudicis sonet, quod ipsi ex suo capite & voluntate possint definire, & quod eorum propria prudentia debeat formare iudicium. Iudicis arbitrium formandum est ita, ut sit iuri & æquitati consonum, & in hoc non debet sequi propriam conscientiam, sed publicam scientiam, vt multis allegationibus ostendunt Andreas Barbatius

Aaa 2 in cap.

740 COMMENT. IN TIT. C.

in cap. Canonum statuta de constitut. à num.
 167. Marsil. in pract. crimin. §. Diligenter. à nu.
 24. & Menoch. lib. I. de arbitr. Iud. quæstion. q.
 13. num. 15. Quando ergo iudex formare rectū
 vult arbitrium, debet sequi canones, leges, cō-
 silium peritorum, & praxim doctissimorum
 & proborum virorum. In materia indicio-
 rum semper hæc doctrina ante oculos haben-
 da est, ut quoniam variæ in casibus occurren-
 tibus circunstantiæ occurere possunt, Iudex
 si sibi non sit sufficiens, peritorum consilium
 adhibeat. Præterea reducendum est in memo-
 riam pro varietate criminum, varia etiam esse
 indicia. Quædam communia, quæ omnibus
 criminibus accommodantur: quædam pro-
 pria particularibus sceleribus, ut adulterio,
 furto, homicidio.

Cùm autem latus sit indiciorum campus,
 & magnus numerus, vt patet ex Doctoribus,
 qui integros tractatus scripserunt, & ex dicen-
 dis manifestum erit, h̄ic tantum proponen-
 tur, quæ huic materiæ conuenient: in reliquis
 remittitur lector ad Doctores.

Primum indicium: sumptum ex hac L. finali:
Indictio per Denunciatio siue denominatio maleficicon-
pendenda in tra facinoris socios, secundum communem
hoc malefi- Doctorum sententiam, quos suprà ad lon-
corum crimi- gum adduximus. Quomodo & in quem sen-
me. sum hoc verum sit, remitto lectorem ad ea,
quæ

quæ multis declarata sunt in 2. membro superioris tractatus.

Secundum indicium: maximè proprium huic materiæ, est superstitionis cum suis varijs speciebus, de quibus ad longum in 1. membro superioris tractatus. Cùm enim superstitionis procedat ut plurimum ex pacto implicito, vel expresso cum Dæmone, verum religionis cultum laedit, fidem Christianam labefactat, ac viam sternit ad maleficorum impietatem. Ad hoc facit etiam Constitutio Criminalis Caroli V. in articul. 44. vbi iudicia maleficij ponit, dum ait. Si quis res suspectas, verba, & opera, quæ incantationem sapiunt, usurpauerit.

Tertium: Si quis alios artem magicam siue maleficium docere voluerit: ex eadem Constitutione.

Quartum: Si quis minatus sit alicui maleficia inferre, & effectus / equutus fuerit: ibidem. Ex minis enim præcedentibus oritur indicium ad maleficium, quando fuerunt præsertim factæ ab eo, qui consuevit eas exequi. Gandinus in tractat. de malef. in tit. de indicij dubitatis. Hyppol. Marsil. in pract. crim. §. Diligenter, à nu. 85. Bald. in L. Metum. C. Quod metus caus-
sz. Francif. Brun. de indicij & tort. part. I. q. 3. Decius in conf. 189. num. 17. & alij multi, quos allegant Iulius Clarus lib. 5. senten §. fin. pract. crimin. q. 21. nu. 37. & Jacob. Menoch. lib. I. de prælumpt. q. 89. à num. 60.

Quintum: Singularis familiaritas, & frequens conuersatio cum maleficiis & incantatoribus: ex eadem Constitut. in d. art. 44.

Omnium enim Iurisperitorum sententia, ex mala conuersatione oritur indicium ad torturam, si modò aliud adminiculum concurrat, vel alia indicia adiuuent. Qualis-

Prouerb. 13: gaudet simili. Prouerb. 13. Qui cum sapientibus gradit, sapiens erit: amicus stultorum similis efficitur. Et in Psalm.

Cum sancto sanctus eris, & cum viro innocentie innocens eris, & cum peruerso peruerteris. Sic sentiunt Angelus in tractat. maleficiorum, in §. Fama publica. vers. Quæro an indicium. Gui-

do de Suzar. de indicijs & tort. num. 32. Marsil. in tract. §. Expedita. num. 91. Bald. in tract. de quæst. num. 10. Albert. Gandin. in tract. de ma-

lef. in Rub. de quæst. Ioseph. Mascard. vol. 1. de probation. Concl. 451. Menoch. in d. q. nu. 125. & alij alibi. Amicitia enim reproborum, ait Sa-

lyce. in L. Nullus, supra eod. tit. est repellenda. Ex hac cauſa prouenit, quo d aliquando in v-

nio pago, aut loco tam multæ sint sagæ & malefici, ut (proh dolor) experientia discimus, imò etiam si aliæ accedant, ex cohabitatione infi-

cuntur. Vna enim malefica aliam inficit, præ-

fertim ad voluntatem & imperium Demonis, qui nihil magis appetit, quam vt numerus suo-

rum augeatur, & regnum CHRISTI diminua-

tur.

par. Quamuis etiam existimem ob magnitudinem scelerum, quæ malefici, vbi in uno loco ita morantur, committunt, cum nolint benedictionem, accipiant maledictionem, & relinquatur Dæmoni maior potestas in commorantes in tali loco, vbi notabilis est numerus maleficorum.

Sextum: Est fama vehemens cum alijs adminiculis, contra multorum doctorum sententiam, quos Menoc. in d. q. num. 32 adducit, qui volunt famam vehementem perse sufficere. Sed communior & tutior doctrina est, quod non sine alijs adminiculis, ut ostendit Iulius Clar. loco citato, num. i. Quia fama est indicium valde remotum à delicto & fallax facilè, & sic ex nuda fama durum esset hominem tormentis subijcere, nisi esset delictum difficilis probationis, & persona vilis alijs criminibus conspersa. Vnum tamen in hoc crimen est singulare, quod (ut experientia quotidie docet) multi homines, quorum conuersatio in exterioribus omni repræhensione caret, depræhenduntur hoc nefandissimo scelere coinquinati. Quia huius criminis exercitum est occultissimum, cum dependeat à co-operatione Principis tenebrarum, qui amat noctem, & odit lucem. Qua occasione aut impossibilis, aut saltem difficilis potest esse purgatio canonica in hoc crimen: Cum hæc fundetur in conscientia bonorum virorum,

Aaa 4 qui

qui nocte dormiunt, quando malefici sua negotia expedient, & sic non possunt de secretis & ignotis in sua conscientia maleficij aliquem innocentem pronunciare. In probatione autem famæ non satis est dicere & probare famam, sed oportet etiam eius originem ostendere. Quia fama debet originem habere ab honestis personis & fide dignis, non à malevolis & vilibus, ut probatur ex c. Qualiter & Quando. 2. de accusat. Bart. in L. de minore. §. Pluriū de quæst. Marsil. ibid. Abb. in cap. Veniens. l. num. 8. de testib. & alijs alibi.

Quare quidam arbitrantur, & hoc argumento probant, quod ea fama, quæ in hoc maleficorum criminе originem dicit à maleficorum & complicum iudiciale dentenciacione, non habeat locum. Sed aduertendum est, dictum hoc commune iuxta diuersitatem rerum & circumstantiarum aliter atq; aliter esse intelligendum, in hunc sensum, quod fama debet habere originem à viris bonis & honestis, quando qualitas personæ, natura rei, ac circumstantiæ hoc admittunt, & sic subintelligendum, nisi agatur de re turpi. Nam tunc nō est contemnenda fama, quæ ortum habet à turpibus personis, exempli gratia, si agatur de peccato commisso in lupanari, poterit oriri fama à meretricibus, & lenonibus, non autem à Doctoribus, aut alijs personis honestis, quæ non solent ibidem conuersari, & similiter si

aga-

agatur de chartarum, vel taxillorum ludo, fama ortum trahit à lusoribus, & sic in hoc criminis maleficorum & lagarum, boni honestiꝝ; viri non intersunt eorum ludis, choreis, maleficijs & coniurationibus, in profunda nocte, in abditis, remotis, agrestibus, secretisq; locis. Quare fama etiam à talibus originem trahere non potest, sed à consortibus, qui tam turpis sceleribus presentes sunt. Hanc expositio nem docent Salycet. in L. Ea quidem C. de accusat. non longè à fine, vlt. q. principali, & Iul. Clar. lib. 5. §. fin. pract. crim. q. 6. nu. 17. Ethoc est quod Bartol. in d. L. de minore. Iustinus Al medæus in tract. de Syndicatu, nu. 51. & 55. Pannorm. in cap. Qualiter & quando, secutus Bartol. & alij alibi tradunt, famam debere habere initium ex probabilibus coniecturis & causis, vel iusta cauſa, sicut etiam ex delicto aliquando docent sumere originem.

Septimum: Fuga est etiam indicium ad torturam, quando aliquis præsertim fugit ante accusationem, vel inquisitionem contra eum formatam, vel antequam ad aliquem actum sit processum. Bart. in L. 1. ff. de bonis eorum, qui ante sententiam sibi morte consciuerunt. Angel. in tract. malef. in verb. Fama publica. vers. An fuga sit sufficiens. Marsil. in d. §. Diligéter. num. 41. & alij multi: quos allegant Menoch. & Clar. loc. cit. 21. & Andreas Gaill pract. obseruat. lib. 2. obseruat. 109. Addit. Marsil. etiam

Aaa 5 habe-

habere locum, quando fugit, dum habet suspi-
cionem, quod contra eum formabitur inqui-
sitione. Malefici s̄ep̄e fuga solent sibi consulere.
Alia tamen est ratio, quando quis fugit post
inquisitionem, & citatus redit, vel caussas pro-
babiles absentiae & fugae allegat.

Ottavum: Si aliquid opus magiae, aut ma-
leficij inueniatur, aut quod sapiat incantatio-
nem, vt olla plena vnguentis variarum rerum
magicarum, autalia instrumenta in ædibus
diffamatæ & suspectæ inueniantur. Aut etiam
liber magiae penes aliquem reperiatur, qualis
ante tres septimanas mihi oblatus à quodam
amicō, qui eum post mortē cuiusdam, qui eo
v̄sus fuerat, repererat. Qui tam charus suo do-
mino fuerat, quod eum emerat 15. daleris, se-
cundum scriptionem in libro annotatam, &
tam pestilenserat, (vt primo aspectu animad-
uerti) vt legere non vellem, sed statim in præ-
sentia amicī tradentis Vulcano, cui cum aucto-
re debetur, cōsecrare. Nescio quo miria-
des Dæmonum in eo continebantur, & hor-
rēdæ execrationes cum diris nominibus. Hoc
indictum sumitur etiam ex d. Constit. Caroli-
na in art. 44. Ad idem facit si liber hæreticus
penes aliquem reperiatur, suspectus vehe-
tissimè habetur, vt condemnari possit, si alizæ
coniecturæ accedant, modò non habeat cum
auctoritate superioris, potestatem habentis &
concedentis ad bonum finem. Ludouic. Ro-
man.

man. in singul. 323. incip. Eo ipso, quod libri
hæresis reperiuntur. Marsil. in d. §. Diligenter.
num. 92. Menoch. lib. 2. de arbitrio. Iud. qq. casu
374. num. 12. & alij ab eo citati. Huic congruit
L. Maiorem. C. de fals. qui habet penes se in-
strumentum falsum, presumitur falsarius, nisi
ostendat unde habuerit. Dictum indicium
ponit etiam Bodinus lib. 4. cap. 4. quod puto
esse tam vehemens, ut si quæ alia leuissima ad-
fint, reus possit torqueri. Huic adiungere pos-
sumus, si de maleficio suspectus inueniatur in
domo, aut stabulo alterius, aut loco & tempo-
re, vbi & quando non debet, & sequatur esse
etius aliquis, ut mors, mutilatio, aut morbus.
Eadem est ratio, si duobus testibus legitimis
probetur reum exercuisse aliquem actum su-
perstitiosum, qui ex communi maleficorum
praxi ad aliquod maleficium dirigitur. Ex e-
pli gratia: Si duo viri viderint mulierem in a-
qua stantem, & aquam à tergo proiecidentem
in aërem, vel virum etiam tempore æstatis,
dum tempestas instare animaduertitur, lapi-
dem percutientem, aut mulierem flores deva-
rijs arboribus colligentem, & ollæ imponen-
tem, & desimilibus simile est iudicium: hæc
sunt indicia virginissima, quorum unum
quodque per se sufficit ad torturam. Eadem est
ratio, si unus testimonis omni exceptione maior de-
ponat de ipso crimine, utpote quod viderit sag-
e quo insuidentem potionem, qui mortuus
repe.

reperitur. Ad dictum enim vnius testis omni exceptione maioris, deponentis de ipso maleficio, potest quis rapi ad torturam, secundum communem Iurisperitorum sententiam, cui astipulatur Carolina Constitutio in artic. 30.

Nonum: Confessio extrajudicialis rei siue accusati, si duobus testibus probetur, facit sufficiens indicium ad torturam, secundum communem DD. sententiam, quam communem attestantur Felinus in cap. Olim, de rescriptis. Decius in c. At si clerici. de indicijs. Menoch. lib. i. de præsumpt. q. 89. num. 14. Joseph. Mascard. vol. i. de probat. Conclu. 349. Iul. Clar. in d. q. 21. nu. 31. & alij ab eo citati. Et quamuis, ut ipse Clarus doctè dicit, quidam Doctores teneant, quod huiusmodi confessio possit reuocari, ad euitandum torturam, licet de errore non doceatur: hoc tamen nullo modo est tenendum. Nam si sola reuocatio hoc operaretur, nunquam esset locus communi Conclus. Propter hoc enim deuenitur ad torturam, quiareuocatur confessio, quia si reus in ea persistet, non esset opus tortura. Semper ergo confessio extrajudicialis facit indicium ad torturam, nisi error probetur. Bodinus lib. 4. cap. 4. plus videtur in hoc crimine tribuere confessioni extrajudicali, sed à communis sine evidenti ratione, aut legenon est recendendum. Ad hoc indicium reduco verba maleficorum & sagarum, quæ aliquando proferunt,

quan-

quando capiuntur, quibus quasi implicitè confitentur; ut si dicant, actum est de me, aut: ne me morte afficiatis, rei veritatem libenter fatebor. Vel quando abducitur ab habitatio- ne, valedicit domesticis, & propinquis, peten- do veniam, & de similibus simile est iudi- cium: de his etiam Bodinus loco citato.

Decimum indicium commune etiam alijs cri- minibus, tamen in hoc maximè sibi vendicat locum, est taciturnitas rei, quando scit, velex literis amicorum, vel eorundem admonitio- ne, vel etiam ex aliorum obiectione siue op- probrio, se haberi pro malefico, aut mago, & tamen non contradicit, nec opponit, sed ieda- ta mente transit, quasi non curaret. Marsil. in pract. Criminali. §. Diligenter. num. 137. Ludouicus Carrer. in pract. pag. 55. in 28. in- dicio. Menoch. loco cit. num. 129. Quisquis e- nim innocentest, ægerrimè fert infamiam sibi imponi de tāto scelere. Et vt ait Bodinus, Qui purus ab isto crimen est, calumnias à quibus in alijs criminibus metuitur, nunquam perti- mescet. Dictum tamen indicium alijs admi- niculis debet iuuari.

Vndecimum: Si quis scelerata iuramenta, execrabilis blasphemias, & verba impudicif- sima frequenter, aut Dæmonis nomen sem- per effutiat ore, aut pueros proprios, siue a- lienos, aut etiam bestias, in nomine Diaboli execrari solitus sit: ut, exempli gratia, rapiat te Dia-

750 COMMENT. IN TIT. C.

Diabolus: ex eas in nomine ipsius: vellem te haberet Dæmon; & de similibus similis est censura. Qui enim talia iuramenta & execrabilis blasphemias assiduè exercent, de hæresi suspecti sunt, vt docet Iacobus Simancas in comment. Catholicarum Institut. tit. 8. de blasphemis. Carrerius in tract. de hæret. quos allegat & sequitur Menoch. lib. 5. de præsumption. præsumpt. 6. & lib. 1. q. 10. à nu. 8. Alphons. Castrén. lib. 1. de iusta hæretic. punitione. cap. 12. Quomodo ergo merito non possunt esse tales blasphemati, & immundi execratores vehementer suspecti de maleficij crimine, in quo Deus in summo gradu læditur, relinquitur & abiatur: & Dæmon colitur, honoratur, & patronus assumitur. Quare in præludijs superioris tractatus inter caussas dispositiuas ad hoc infelicissimum exercitium posuimus execrationem & maledicendi sive imprecandi rabiem. Huic annumerare possumus, si quis commiserit etiam alia grauissima scelera distantia à maleficio, vt Menoch. d. lib. 1. ex Simanca etiam de hæresi allegat. Nam vix fieri potest, vt homo, qui Deo adhæret, & ad Diaboli partes non declinavit, horrenda scelera perpetret. Qui autem Deo valedixit, & Dæmoni fidem addixit, portam iam omnibus sceleribus etiam fœdissimis aperuit.

Duodecimum ponunt Doctores mallei maleficarum, Grilland. & Bodinus, quod sagæ lacrym-

chrymas emittere non possint. Quod si intelligent lachrymas ex dolore peccatorum, aut oleo diuinæ suavitatis prodeentes, facile assentior: alijs quod non possint excutere guttas aquarum & lachrymarum, parum fidei attribuo. Quia verum est de mulieribus, quod quidam cecinit.

Vt flerent oculos erudiere suos.

Imò sœpè ex pusillanimitate, tristitia, aut dolore corporali lachrymas emittunt.

Decimum tertium. Quidam indicium sumunt ex facie de maleficiis, ut si oculos in terram defigant, aut terribiles deformesq; vultus habeant. Quare cōmuniter dici solet. Deformis, vt saga. Huic concordat Bodin. lib. 3. c. 3. ex Hieronym. Cardano lib. 20. de subtilitate, & Martin. Arles ex alijs in tract. de superstitione n. 100. Sicut enim qui in fodina auri sequitur ipsū minerale, pallidus efficitur, & tremulus fit, qui tractat venā argenti viui: Ita qui sequitur, & inspicit horribilem & turpem visionem Dæmonis, deformis & horribilis in facie redditur. Pro his est etiam Direct. inquisitorum in 3, par. in c. de signis exterioribus, per quæ necromantici hæretici dignoscuntur & magi hæreticæ, ut loquitur. Habet enim, ait, ut cōmunius, ex visione & apparitione, ac collocutione malorum spirituum toruum visum & obliquum. Pro hac sententia facit, quod Iurisperiti tradūt, indicium ad torturam sumi ex mala physiognomia. Marsil. in tract.

S. Ex.

§. Expedita. num. 53. ex Baldo L. 2. C. Quorum appellat. non recip. Carrer. in pract. pag. 55. in 29. indicio. Menoch. lib. 1. deprob. q. d. num. 13 & alij ab eo allegati. Quomodo de moribus hominum ex physiognomia iudicari possit, suprà ostensum est. Etsi non sit improbabile, quod asseclæ Dæmonum deformitatem in facie contrahant, tamen cùm deformitas ex multis alijs caussis originem sumere possit, valde infirmum & leue indicium hinc desumitur.

Decimumquartum ponitur à Lamberto Danæo, in Dialogo de fortiorijs, & Ioanne Bodino lib. 2. cap. 4. & lib. 4. cap. 4. & est stigma siue nota, quam Dæmon imprimit eis maleficis & sagis in aliqua parte corporis, quos timet sibi non fore fideles: vnde principes qui que magi tale signum non habent. Memini me etiam audiuisse, quibusdam nostris maleficis & sagis signa impressa fuisse. Triscalanus Magus, Bodino referente, dicebat signatis magis inesse quam vestigium leporis, & quamuis ad ossa indatur quasi acus, locum tamē sensus expertem esse. Sed quicquid sit, non puto tale signum magni faciendum esse. Facilè enim, si quis querat huiusmodi signa, finget aut putabit esse, quod non est. Quod enim Patrum documento sanctum non est, superstitiosa adiumentio ne non est præsumendum. 2. q. 5. cap. Consulisti. Imò si Dæmon cognosceret suo extali signo.

signo cognosci, non imprimaret: Sicut etiam Bodii exempla refert, in quibus postea die, post depræhensionem signi, fuit nota deleta. Similiter admodum superstitionis est, quod prædicto affine est, quod quidam in fronte ex eradicatione Chrismatis sagas cognoscere volunt.

Decimum quintum. Referunt quidam in hunc ordinem indiciorum, quibus sagæ cognoscuntur, probationem aquæ frigidæ, sed hæc in canonibus, expressè reprobatur 2. q. 5. can. Mennam & in cap. Tuarum, depurgat. canonica. Sed de hac materia latius actum est in 2. memb. superiori tractatus, dub. i. principali.

Decimum Sextum. Firmum putat esse Bodinus lib. 4. cap 4. indicium in diffamata, si nata sit ex parentibus maleficis, aut altero tantum. Vnde putat hanc amplissimam esse regulam, & paucissimas exceptiones admittere. Si saga est mater, est etiam filia. Sed hæc consequentia quomodo tam necessariò cohæret, vt Bodinus infert, non video. Sicut enim ex bonis parentibus nonnunquam oriuntur filii mali: ita ex malis quandoq; etiam boni nascuntur, sicut è spinis rosæ producuntur. Sic ex Achaz pessimo rege & idololatra natus est sanctus rex Ezechias vt in libro. Reg. est videre. Sic etiam Iosias, rex pius, qui tulit abominationes impietatis, cuius memoria secundum Ecclesiasticum quasi mel indulcabitur, Eccles. 49.
4. Reg. 10

Bbb filius

COMMENT. IN TIT. C.

filius fuit impij Idololatræ Amon. Quamvis
enim in filijs paterni criminis exempla me-
tuantur. can. Si quis. 6. q. i. non tamen necessa-
riò ita contingit. Mores enim multum iugan-
tur gratia Dei, instruētione, bona cōuersatio-
ne, ac regimine. Quando autem filia alijs in-
dicijs grauatur, auget præsumptionem, si pa-
rens alter, vel aliqui de cognatione & familia
fuerint magi & malefici. Hoc tamen refertur
ad indicium malæ conuersationis & cohabita-
tionis: Qui enim tagit pīcem, coinquinatur
ab ea. Expedit tamen non raro malus spí-
ritus à sagis, vt filios, aut filias sibi in obsequium
deudecant. Quare aliquando tam malas in-
ueneris matres in hac arte, vt prolem hecdum
natam Dæmoni in abominabile offerant ob-
sequium.

Decimum septimum. Est singularitas quædam
notabilis in actibus religionis. Cùm sint su-
perstitiosi, gaudent singularitate, & in actibus
exterioribus non raro incedunt in vestimen-
tis ouium, more magistri sui, qui se etiam trā-
figurat in angelum lucis, intrinsecus autem
sunt lupi rapaces.

Decimum octauum. Est mutatio loci, cur-
runt huc atq; illuc, præsertim quando sibi ti-
ment, vtpote quum iam sunt diffamati, vel in
proximo sunt, vt deprehendantur: aut iam
sciunt socios sui facinoris deprehensos, à qui-
bus metuunt se denunciandos. Tunc enim ti-
ment,

ment, & mirabiliter in animo discruciantur propter pœnam, quam ratione conscientia sceleris animus quasi præfigit, iuxta illud quod Sapiens attribuit magicæ artis peritis in lib. Sapientiæ. Frequenter enim ait, præoceupant pessima, redargente conscientia. Cūm sit enim timida nequitia, dat testimonium condemnationis: semper enim præsumit sequaque perturbata conscientia, id est, conscius sui sceleris remorsu conscientiæ mouetur, ut seipsum cōdemnet, & suspicetur pœnam promeritam, instare antequam etiam præsens sit, & sic nequitia efficit timidum, cūm semper propinquæ esse & ante oculos versari timeat tormenta. Id quod Cicer. breuibus verbis in Orat. pro Milone significat, cūm dicit: Magna est via conscientiæ in utramq; partem, ut nec timent, quin nihil commiserunt, & pœnam semper ante oculos versari putent qui peccauerunt. Alia est etiam huius inconstantiæ & mutatio-
nis de loco in locum causa. Cūm enim tam magna sit inter spiritum bonum & malum pugna, quando conscientia iam incipit remordere, mota ex tribulatione & timore extrinseco aduenienti, ob pericula & tormenta imminentia, magna nascitur etiam in animo maleficæ perturbatio. Quare currit de loco ad locum, querit requiem, & non inuenit, idq; in multis obseruatum est.

Decimum nonum est inconstans & contra-

Bbb 2 rietas

756 COMMENT. IN TIT. C.

rietas in verbis. Facit enim conscientia sceleris timorq; quo concutiuntur, ut parum sibi content. Hæc autem indicium facere ad torturam tradunt Doctores. Marsil. in d. §. Diligenter. num. 74. Francif. Brunus de indicij & tortura par. I. q. 3. Angel. ab Aretio in tract. malefic. verb. Fama publica. Bartol. in L. fin. ff. de quæst. & alij multi, quos refert Menoch. in d. q. 89. lib. I. de præsumpt. hoc tamen indicium non est tantum, ut ex eo quis debeat subijci tormentis, nisi alia, magis mouentia accedant. Habent tamen hoc proprij sagæ & malefici, ut vix respondeant ex proposito ad interrogata, sed nutant in responsionibus, ut obseruan- dum statuit Bodinus in d. c. 4. lib. 4.

Vigesimum indicium, efficere possunt titubatio & animi trepidatio, quando reus examinatur, & interrogatur. Marsil. loco cit. Bartol. in L. de minore, §. Plurimum. Angel. in d. verb. Fama publica. Menoch. vbi supra. num. 72. Iul. Clar. in d. q. 21. lib. 5. num. 39. & alij com- muniter. Huc facit illud Ciceronis lib. 2. ad Herennium. Titubatio, inquit, mutatio colo- ris, oratio inconstans, tremor & id genus alia: nempesi constiterit reum, cum ad cum ven- tum est, erubuisse, titubasse, expalluisse, in- constanter locutum esse, concidisse, polici- tum esse aliquid. Et illud Prouerb. 10. Pauor his, qui operantur malum. Postremò, quoni- am Iudices aliquando ad inquirendam veri- tatem

tatem maleficos captiuos duos in conspectu
oppoñunt, vel ut aliqui vocant confrontant,
summa tum adhibenda est iudici prudētia, vt
bene dicta examinet, quid opponatur, quo-
modo ab altero respondeatur, an alter taceat
an neget, qua animi constantia, qua verborum
arte, quia quosdam honoratores & pruden-
tiores instruit Diabol. vt valde callide loquā-
tur. Hic etiam valde bene notanda duo illa
vltima indicia. Hoc loco de confrontatione
maleficorum aduertendum est quando alter
eorum tantum inviculis, & vult alteri nec-
dum vinculis constituto crimen in frontem
dicere, in quo sibi socius fuit, vt hoc non fiat
temere, nisi alia indicia talia præcedant, vt, si
testis in frontem deponens constanter in con-
fessione & obiectione perseueret, cum pro-
babili circumstantiarum declaratione, in cu-
stodia detineri possit, si rationibus legitimis
opponentis dicta non elidat, sed potius indi-
cia facinoris præbeat. Quia magna est in famia
ei, qui pro bono viro habetur, confrontari
cum homine reo tanti sceleris, quasi socius
criminis sit, quam non licet vlli iudici alicui
inferre, nisi alia sufficientia indicia præce-
dant, quæ loco diffamationis sint. Etenim
indicia propinqua siue semiplena supplant
locum diffamationis, vt multis allegationi-
bus declarat. Marsil. in practica crimin. §.
Constante. 2 num. 19. Si autem confrontatus

Bbb 3 sufficien-

758 COMMENT. IN TIT. C.

sufficientibus indicijs grauatus, post confron-
tationem iterum dimittatur, magis confron-
tatione suspectus redditus, quam purgatus, &
ipse hoc animaduertat, facile fugiet. Hęc sunt,
quae pro ratione temporis, in commentarium
de maleficiis & mathematicis referre volui
precando Deum optimum Max. lucis autho-
rem, ut principis tenebrarum tyrannidem,
qua nunc in multos Christianos sævit, repre-
mat: lapsis manus misericordiae ad surgen-
dum per salutarem pœnitentiam porrigat, &
hunc laborem ad ipsius honorem, pa-
triaq; salutem suscepit, fæli-
ci fine remuneret.

Amen.

(..)

EXTRA

